



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-425-4/25**
Datum: **20.11.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „GLOBTOUR“ d.o.o. Međugorje – P.J. Kiseljak za donošenje rješenja o vodnoj dozvoli za ispuštanje tehnoloških otpadnih voda i ispuštanje oborinskih onečišćenih voda sa lokacije benzinske stanice i autopraonice za vlastite potrebe izgrađene na zemljištu označenom kao k.č. broj: 1549/7 K.O. Podastinje, općina Kiseljak, na osnovu člana 109. stav (1) Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „GLOBTOUR“ d.o.o. Međugorje – P.J. Kiseljak, daje se vodna dozvola za ispuštanje tehnoloških otpadnih voda i ispuštanje oborinskih onečišćenih voda sa lokacije benzinske stanice i autopraonice za vlastite potrebe izgrađene na zemljištu označenom kao k.č. broj: 1549/7 K.O. Podastinje, općina Kiseljak.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom Investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se skladištenje nafte i naftnih derivata vrši u podzemnim čeličnim dvoplašnim spremnicima ukupne zapremine 100 m³ sa pripadajućom armaturom za rukovanje, praćenje i sigurnost rada.
 - 3.3. Korisnik objekta je obavezan vršiti redovnu kontrolu međuplašnog prostora rezervoara za skladištenje naftnih derivata, njihovo čišćenje i kontrolu rada.
 - 3.4. Skladištenje i pretakanje nafte i naftnih derivata vršiti u skladu sa Zakonom o naftnim derivatima u Federaciji Bosne i Hercegovine („Službene novine Federacije BiH“, broj 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.5. Da vlasnik, odnosno korisnik poslovnog objekta za sve vrijeme trajanja ove vodne dozvole obezbjeđuje da se oborinske vode, kao i vode od pranja parking površina, manipulativnih površina servisa motornih vozila, od pranja alata i opreme, pranja motornih vozila iz autopraonice, koje mogu biti opterećene deterdžentima, naftnim derivatima, suspendovanim materijama i drugim zagađenjima nesmetano sakupljaju i putem linijskih rešetki, slivnika i kanalizacione mreže odvođe do ugrađenog separatora ulja i naftnih derivata sa koalescentnim filterom, a zatim tako prečišćene vode se priključuju na glavno priključno okno (So1) i preko ispusne građevine ispuštaju u rijeku Kreševku.
 - 3.6. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetne benzinske stanice može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.7. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti u skladu sa članom 14. i 15. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20 i 1/24).
 - 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o

uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti („Službene novine Federacije BiH“, broj 14/10, 14/13, 26/14, 23/17 i 41/20).

- 3.9. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.10. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.11. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.12. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13. i 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik predmetnog objekta „GLOBTOUR“ d.o.o. Međugorje – P.J. Kiseljak, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „GLOBTOUR“ d.o.o. Međugorje – P.J. Kiseljak, zahtjevom broj 10/25 od 01.10.2025. godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda i ispuštanje oborinskih onečišćenih voda sa lokacije benzinske stanice i autopraonice za vlastite

potrebe „GLOBTOUR“ - P.J. Kiseljak sa pratećim sadržajima, izgrađene na zemljištu označenom k.č. broj: 1549/7 K.O. Podastinje, općina Kiseljak.

U provedenom postupku dostavljena je i pregledana sljedeća dokumentacija:

A. Opšta dokumentacija

- Kopija Aktuelnog izvoda iz sudskog registra subjekta „GLOBTOUR“ d.o.o. Međugorje, od 20.08.2025. izdatog od strane Općinskog suda u Mostaru;
- Kopija Uvjerenja o registraciji poreznog obveznika „GLOBTOUR“ d.o.o. Međugorje – Podružnica Kiseljak poslovno – servisni centar, od 27.04.2018. godine izdatog od strane Porezne uprave FBiH – Kantonalni porezni ured Mostar;
- Glavni projekat interne benzinske crpke, urađen od strane „IBIS“ d.o.o Zavidovići, maj 2019. godine;
- Kopija Rješenja o vodnoj dozvoli izdatog od strane Agencije za vodno područje rijeke Save Sarajevo, broj: UP-I/25-3-40-581-4/19 od 08.11.2019. godine;
- Kopija Operativnog plan za incidentna zagađenja poslovnog subjekta „GLOBTOUR“ d.o.o. Međugorje – Podružnica Kiseljak od 28.07.2023. godine ;
- Kopija Rješenja o izdavanju uporabne dozvole donesenog od strane općine Kiseljak – služba za gospodarstvo, urbanizam, zaštitu okoliša i komunalne poslove broj: 03-19-314/20 od 01.06.2020. godine;
- Kopija ugovora za usluge čišćenja separatora i zbrinjavanje zauljene vode i mulja između „GLOBTOUR“ d.o.o. Međugorje i „GRIOSS“ d.o.o. Grude od 03.01.2020. godine;
- Dokaz o uplati upravne pristojbe.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“, br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-425-2/25 od 23.10.2025. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Predmetna benzinska stanica i autopraonica za vlastite potrebe se nalazi na mjestu označenom kao k.č. broj: 1549/7 K.O. Podastinje, općina Kiseljak. U sklopu objekta su smješteni sljedeći sadržaji: interna autopraona, servisna radionica, kancelarija, sanitarni čvor, nadstrešnica sa jednim istočistem, rezervoari za gorivo, parking i manipulativni prostor. Onečišćene oborinske vode koje nastaju na predmetnoj lokaciji se prikupljaju putem linijskih rešetki, slivnika i kanalizacionim cijevima odvođe do separatora ulja i naftnih derivata, tako prečišćene vode se priključuju na glavno priključno okno (So1), a zatim preko ispusne građevine ispuštaju u rijeku Kreševku.

Tehnološke otpadne vode koje nastaju od pranja motornih vozila sa predmetne lokacije prikupljaju se putem slivnika sa slivnom rešetkom i kanalizacionim cijevima odvođe do separatora ulja i naftnih derivata, tako prečišćene vode se priključuju na glavno priključno okno (So1), a zatim preko ispusne građevine ispuštaju u rijeku Kreševku. U toku vršenja uviđaja utvrđeno je da se linijske rešetke koje služe za prikupljanje oborinskih onečišćeni voda održavaju i čiste, te da su u funkcionalnom stanju

Skladištenje nafte i naftnih derivata se vrši u podzemnim čeličnim dvoplašnim rezervoarima ukupnog kapaciteta 100 m³. Vrš se redovno održavanje i korištenje postojećih objekata i sistema čija je svrha prikupljanje, tretman i odvodnja oborinskih onečišćenih voda.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i cc) i članova 14., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11

i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „GLOBTOUR“ d.o.o. Međugorje – P.J. Kiseljak ispunio minimum uslova za izdavanje vodne dozvole za ispuštanje oborinskih i tehnoloških onečišćenih voda, kao i promet opasnih materija koje nakon upotrebe dopijevaju u vodu sa lokacije benzinske stanice u općini Kiseljak, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Munir Trako, dipl.inž.građ.

Prilog:

- Glavni projekat interne benzinske crpke, urađen od strane „IBIS“ d.o.o. Zavidovići, broj: 42-IB G/19, maj 2019. godine.

Po ovlaštenju
Rukovodilac Sektora za izdavanje
vodnih akata



Nihad Pezo, dipl.inž.građ.



Dostaviti:

- „GLOBTOUR“ d.o.o. Međugorje, Ul. Gospodarska zona Tromeda VI br. 9, 88 260 Čitluk
- ⊖ AVP Sava, ISV-vodna knjiga
- Sektor 50
- Sektor 40 - arhiva
- Oglasna tabla AVP Sava Sarajevo